



Broj: 16-12-16-2-4634-11/15
I. Sarajevo, 12. 2015. godine

Na osnovu člana 8. stav (2) tačka h) Zakona o Državnoj agenciji za istrage i zaštitu ("Službeni glasnik BiH", br. 27/04, 63/04, 35/05, 49/09 i 40/12) i člana 70. st. (1), (2), (3) i (6) Zakona o javnim nabavkama ("Službeni glasnik BiH", broj 39/14), na preporuku Komisije za provođenje postupka nabavke broj 16-12-16-2-4634/15 od 03.12.2015. godine, u postupku javne nabavke usluga popravke detektora eksploziva za potrebe Državne agencije za istrage i zaštitu, direktor Državne agencije za istrage i zaštitu, d o n o s i

ODLUKU

o izboru najpovoljnijeg ponuđača u pregovaračkom postupku bez objave obavještenja za javnu nabavku usluga popravke detektora eksploziva za potrebe Državne agencije za istrage i zaštitu

Član 1.

Prihvata se preporuka Komisije za provođenje postupka nabavke broj 16-12-16-2-4634/15 od 03.12.2015. godine i ugovor za javnu nabavku usluga popravke detektora eksploziva za potrebe Državne agencije za istrage i zaštitu (u daljem tekstu: Agencija), dodjeljuje se ponuđaču "MIDDLE POINT" d.o.o. Sarajevo, ponuda broj 16-12-16-2-4634-11/15 od 24.11.2015. godine, za ponuđenu cijenu od 12.696,00 KM bez uračunatog PDV-a.

Član 2.

Ova odluka se ponuđaču dostavlja u roku od tri dana, a najkasnije u roku od sedam dana od dana donošenja Odluke, uz istovremeno objavljivanje na internet stranici Agencije.

Član 3.

Za izvršenje ove odluke zadužuje se Sektor za materijalno-finansijske poslove Agencije.

Član 4.

Ova odluka stupa na snagu danom donošenja.

O b r a z l o ž e n j e

Odlukom direktora Agencije broj 16-12-16-2-4634-1/15 od 13.05.2015. godine pokrenut je postupak javne nabavke usluga popravke detektora eksploziva (SABRA 4000) za

potrebe Sektora za operativnu podršku, procijenjene vrijednosti 8.500,00 KM bez uračunatog PDV-a, za šta su novčana sredstva predviđena u okviru budžetskih sredstava za 2015. godinu.

Obzirom da je jedini ovlašten predstavnik za popravku detektora eksploziva "MIDDLE POINT" d.o.o Sarajevo, to je Agencija Poziv za dostavljanje zahtjeva za učešće u pregovaračkom postupku bez objave obavještenja o javnoj nabavci usluga popravke detektora eksploziva broj 16-12-16-2-4234-5/15 od 10.06.2015. godine, zajedno sa Tenderskom dokumentacijom dostavila ovlaštenom predstavniku za popravku navedenog uređaja "MIDDLE POINT" d.o.o Sarajevo.

Prema Tenderskoj dokumentaciji odabir ponuđača za pružanje usluga popravke detektora eksploziva provodi se u tri faze i to:

- Faza I - kvalifikacija i ponuda za prevoz detektora eksploziva u Saveznu Republiku Njemačku radi dijagnostifikovanja kvara i povrat u sjedište Agencije;

-Faza II - dostavljanje početne ponude za popravku detektora eksploziva i pregovaranje;

- Faza III - dostavljanje i ocjenjivanje konačne ponude.

Obzirom da je Pozivom za dostavljanje zahtjeva za učešće u pregovaračkom postupku javne nabavke za pružanje usluga popravke detektora eksploziva i tačkom 24. Tenderske dokumentacije navedeno da je rok za dostavljanje zahtjeva za učešće i ponude 28.05.2015. godine do 12,00 sati, te da se ponuda dostavlja u zatvorenoj kovrti, Komisija za provođenje postupka nabavke (u daljem tekstu: Komisija) je dana 28.05.2015. godine u 13,00 sati izvršila javno otvaranje ponude, gdje je utvrđeno da je blagovremeno dostavljena jedna ponuda, uredno zapečaćena, kako slijedi:

Redni broj.	Naziv ponuđača	Ukupna cijena (bez PDV-a)
1.	"MIDDLE POINT" d.o.o Sarajevo	1.200,00 KM

Komisija je nakon otvaranja dostavljene ponude postupak nastavila u smislu pregledanja dokumentacije priložene uz dostavljenu početnu ponudu za Fazu I, a u cilju ocjenjivanja ponuđača, te njegove kvalifikovanosti shodno uslovima navedenim u tenderskoj dokumentaciji. Uvidom u sadržaj dostavljene ponuda Komisija je utvrdila da ponuda ponuđača "MIDDLE POINT" d.o.o. Sarajevo ispunjava kvalifikacione uslove u pogledu njegove lične sposobnosti, ekonomske i finansijske sposobnosti, te tehničke i profesionalne sposobnosti navedene u Tenderskoj dokumentaciji, te da je ponuđač zadovoljio pretkvalifikacione uslove i dostavio prihvatljivu ponudu za prevoz detektora eksploziva u Saveznu Republiku Njemačku i povrat u sjedište Agencije.

Odlukom Agencije broj 16-12-16-2-4634-5/15 od 10.06.2015. godine ugovor za Fazu I-prevoz detektora eksploziva u Saveznu Republiku Njemačku, radi dijagnostifikovanja kvara i povrat u sjedište Agencije dodijeljen je ponuđaču "MIDDLE POINT" d.o.o Sarajevo za ponuđenu cijenu od 1.200,00 KM.

Nakon dijagnostifikovanja kvara detektora eksploziva od strane proizvođača, ponuđač "MIDDLE POINT" d.o.o Sarajevo dostavio je predračun proizvođača, prema kome ukupni troškovi popravke detektora eksploziva iznose 12.696,00 KM bez uračunatog PDV-a uključujući troškove carine i špedicije. Dana 02.11.2015. godine Komisija je dostavila poziv ponuđaču za pregovore u okviru Faze II, koji su održani dana 05.11.2015. godine u vremenu od 13,00 do 13,30 sati. Tokom pregovora Komisija je predstavnike ponuđača upoznala da je od procijenjene vrijednosti javne nabavke usluga popravke detektora eksploziva (8.500,00 KM) iskorišteno 1.200,00 KM bez uračunatog PDV-a za realizaciju Faze I pregovaračkog postupka, da je trenutno na raspolaganju 7.300,00 KM, te da početna ponuda u iznosu od 12.696,00 KM bez uračunatog PDV-a znatno premašuje raspoloživa sredstva za javnu nabavku usluga poravke detektora eksploziva. Komisija je zatražila smanjenje cijene ponude, kako cijena konačne ponude ne bi prelazila procijenjenu vrijednost javne nabavke.

Predstavnici ponuđača su konstatovali da nisu u mogućnosti smanjiti cijenu ponude. Komisija je o održanim pregovorima sačinila Zapisnik i isti je dostavila ponuđaču.

Na poziv Komisije za dostavljanje konačne ponude ponuđač "MIDDLE POINT" d.o.o Sarajevo blagovremeno je dostavio konačnu ponudu čija je vrijednost 12.696,00 KM bez uračunatog PDV-a, od čega popravka detektora eksploziva iznosi 11.300,00 KM, troškovi carine iznose 1.140,00 KM i troškovi špedicije iznose 256,00 KM. Obzirom da je cijena dostavljene konačne ponude prelazila raspoloživa sredstva za predmetnu javnu nabavku za 5.396,00 KM, odnosno 74%, to je Komisija tražila mišljenje Sektora za materijalno-finansijske poslove po pitanju obezbjeđenja dodatnih novčanih sredstava za realizaciju predmetne nabavke. Aktom Sektora za materijalno-finansijske poslove od 02.12.2015. godine dostavljeno je mišljenje da se mogu obezbijediti dodatna novčana sredstva za realizaciju predmetne nabavke.

Obzirom da ponuda ponuđača "MIDDLE POINT" d.o.o. Sarajevo ispunjava kvalifikacione uslove u pogledu njegove lične sposobnosti, ekonomske i finansijske sposobnosti, te tehničke i profesionalne sposobnosti navedene u Tenderskoj dokumentaciji, uz uvažavanje mišljenja Sektora za materijalno-finansijske poslove po pitanju prekoračenja raspoloživih sredstava za predmetnu nabavku, Komisija je dala preporuku da se ugovor u postupku javne nabavke usluga popravke detektora eksploziva za potrebe Agencije dodijeli ponuđaču "MIDDLE POINT" d.o.o. Sarajevo, u skladu sa kriterijem najniže cijene iz tačke 21. Tenderske dokumentacije.

Pouka o pravnom lijeku: Protiv ove odluke može se izjaviti žalba Uredu za razmatranje žalbi Bosne i Hercegovine, u roku od deset dana od dana dostavljanja ove odluke. Žalba se podnosi putem Državne agencije za istrage i zaštitu.

Na izjavljenu žalbu ponuđač je obavezan platiti naknadu u skladu sa članom 108. Zakona o javnim nabavkama.

DOSTAVLJENO:

- Ponuđaču 1x,
- Sektoru za mat.-fin poslove,
- a/a.

